

Powšitkowne WOZJEWJENJA

njedźelu, 28. julija 2013

Putnicy do Krupki woteńdu zašo

Horceho wjedra dla woteńdze procesion serbskich młodostnych njedźelu, 28. julija, do Krupki hižo dapołdnja. Farar Gabriš Nawka zdžěli, zo zetkaja so putnicy w 10 hodž. na Chróšćanskej farje.

Kemše w Krupce

Na putniku Božu mšu srjedu, 31. julija, w 10 hodž. w Krupce pojedže zaso bus. Štóz chce sobu jěć, njech přizjewi so pola Šmitec wozydłownistwa w Radworju, telefonowe čisło (03 59 35) 28 60.

Swjata spowědź w Róžeńće

Wšitcy, kotřiž chcedža porciunkulski wotpusk zdobyć, maja mjez druhim w Róžeńće składnosť, sobotu, 3. awgusta, wot 17 do 18 hodž. sakrament swjateje spowědže přijec. Spowědnicy su fararjo Beno Šofta, Michał Anders, Beno Jakubaš a Gabriš Nawka.

Wopomnjenski nyšpor za Michała Hórniku

Towarstwo Cyrila a Metoda z.t. (TCM) přeprašuje wěriwych ze wšitkich wosadow na wopominanje 180. posmjertnych narodnin přenjeho redaktora Katolskeho Posoła Michała Hórniku do Worklec. Swjedženski nyšpor budže njedźelu, 1. septembra, w 15 hodž. při pomniku. Z tutej Božej službu zakónča so zdobom jubilejne zarjadowanja składnostnje 150lětneho wobstaća TCM a 150. rónčnicy přenjeho wudaća Katolskeho Posoła. Nyšporej přizamknje so swačina.

Młodostni na mjezynarodny prayerfestival w Marienfriedže přeprašeni

Na mjezynarodny prayerfestival w Marienfriedže pola Noweho Ulma wotjědže pjatk, 16. awgusta, w 6 hodž. bus wot Budyskeho klóšterka. Jězba z busom je zadarmo. Jako přinošk k wudawkam za wobdželenje na festiwalu prosy so wo dobrowólny dar. Bus wróci so njedźelu, 18. awgusta, wokoło 22 hodž. do Budyšina. Zetkanje organizuje katolske hibanje Jugend2000 International. Nadrobniše informacije su pod www.posol.de wozjewjene. Zajimcy njech so pola fararja Gabriša Nawki pod e-mailowej adresu ganawka@nexgo.de abo pola franciskanskeho patra Paulusa Tautza pod brotherpaulus@hotmail.com přizjewja..

Putniska jězba do Słowjenskeje

Za putniku jězbu do Tinjow (Tainach) pola Klagenfurta w Awstriskej wot soboty do soboty, 19. do 26. oktobra su hišće městna swobodne. Pojedžemy mjez druhim na słowjenske putniske městno Brezje a do stolicy Ljubljany. W Awstriskej wobhladamy sej Maria Wörth. Přizjewće so prošu lěpšeho planowanja dla jara bórže pola mje w Radworju, telefonowe čisło (03 59 35) 2 04 25.

Terezija Kubašec